

EW NAMOPUNG

Ekkesiwini Tetten 2 non Truk State Law No.3-30, ewe Annukun Truk State Housing Authority Act, an epwe kawor monun ewe Housing Board of Directors epwe tup seni ekkewe nimu Ionap (Region) non ei State, me pwan ren ekkoch popun.

EPWE PWUNG ME REN EWE ANEEPWUNGUN CHUUK:

1 Tetten 1. Ekkesiwin. Tetten 2 non Annukun Truk State Law No.3-30, ewe Truk  
2 Housing Authority Act, iei a ekkesiwin an epwe iei ussun ititin:

3 "Tetten 2. Board of Directors.

4 1) Meinsin pochokun mei wor ren ewe Authority epwe amwokut me  
5 apochokun me ren ewe Board of Directors iei a iteni Board, monun epwe nimon  
6 repwe iteni Directors. Ewe Kepina epwe wisen finata choon kewe, epwe emon  
7 seni ew me ew ekkewe nimu watten kinikinin Chuuk, fiti tipeewin ewe Senate.  
8 Choon fin ngeni ei Board repwe wiis non ukukun ruwanu ier. pwan tongeni fin-  
9 sefan, ika tori siwinir ra finita pwan kapunguno, NGE ekkewe re acwin fin fan  
10 pungun ei Annuk epwe iei usun:

11 Ruomon ren ukukun nangatamen ruwanu ier;

12 Emon ren ukukun nangatamen unungat ier;

13 Emon ren ukukun nangatamen ruu ier; me

14 Emon ren ukukun nangatamen ew ier.

15 Nge, finin ioon epwe chok siwini me ammasowa wis mei pwan won ewe Board  
16 epwe pwan chok usun napanapen finitan monun kewe mei kefinita nepoputan. nge  
17 repwe chok wis non ukukun met ewe nussun ewe wis esomwo wes me ren ewe a  
18 tou seni ewe wiis.

19 2) Ewe Director-un Planning epwe pwan choon ei Board nge esap pwan  
20 tongeni fiti fout me uttut an ewe Board. Emon Director mei tongeni tou

1 seni wisan me won ewe Board fan pungun pesepes me memmeef epwe kawor  
 2 seni ewe Kepina, fiti kapungunoon me ren ewe Utten Representatives ren  
 3 nipwaakingaw non angangen wisan we ese fori angangen wisan, ika fofforungaw  
 4 non offes.

5 3) Ewe Board epwe finata emon seni chon ewe Board epwe Chairman,  
 6 emon Vice-Chairman me emon Secretary. Ewe Kepina epwe finata emon epwe  
 7 wisen temporary Chairman non ewe Board tori ewe fansoun ewe Board a finata  
 8 ewe wesetan Chairman. Ewe Planning Officer epwe wisan emon advisor ngeni  
 9 ewe Board non pekkin an we angang. Ekkewe nouwis non ewe Board repwe  
 10 wiseni wiser kewe me won ewe Board non fansoun nangataman, pwan aani ar  
 11 kewe angang fiti pungun met ewe Board a affata non pusin forian annuk.

12 4) Ekkewe Directors resap angei och niwinir ren ar fori angangen wiser kewe,  
 13 nge repwe chok angei ar per diem won ukukun an Federated States of Micronesia  
 14 we aukukun per diem, pwan angei niwinin ar sai mei fis fan asengesin angangen  
 15 ewe Authority.


16 5) Ewe Board epwe mwiich esap kukkun seni fan ew non ew quarter nge mei  
 17 pwan tongeni efisi pwan ekkoch mwiich me nukun nupwen a kuna pwe mei  
 18 auchea me namot.

19 6) Ewe Board epwe finata emon executive director, ii esap emon mmonun  
 20 ewe Board. Ewe executive director epwe awora ngeni ewe Board an anapanapen  
 21 budgetin ier ren an ewe board epwe apungano, non ena budget epwe nomw me  
 22 affat meinisin moni tou ren niwinin chon angang me mwokutun met angangen  
 23 ewe Authority non ewe fiscal ier ewe budget e for fan asengesin. Ewe executive  
 24 director fiti kapungunoon me ren ewe Board, mei wor pochokunan an epwe kut  
 25 choon angangen ewe Authority pwan tongeni pusin awesiir seni ar kewe angang.  
 26 Choon angangen ewe Authroity repwe chok pwan nomw fan pochokunen

1 meinisin annuk, rules me regulations mei weneiti meinisin chon angangen ewe  
2 Muun Chuuk..


3 7) Ewe Muun Chuuk epwe awora nenien angang ren ofes ngeni ewe  
4 Authority pwan awora ekkewe sakkun aninnis non angangen pekin ofes me chon  
5 angang nupwen mei auchea me ren ewe Authority me nupwen mei wor me  
6 tufich."

7 Tetten 2. Poputan Pochokunan. Ei Namopung epwe poputa  
8 pochokunan inet chok a kapunguno me ren ewe Kepina, ika inet chok a  
9 winit annuk won pusin winikapan.


Sain seni: 

Detor Santos, President  
Senate, Aneepwungun Chuuk


Annetata:

  
Songkinita S. Bossy, Chief Clerk  
Senate, Aneepwungun Chuuk


Pwinin maram: 7-17-97

Sain seni:   
Masachiro Christlib, Speaker  
Utten Representatives  
Aneepwungun Chuuk

Annetata:

  
Herter Sorim, Chief Clerk  
Utten Representatives  
Aneepwungun Chuuk

Pwinin maram: July 17, 1997

Kapunguno seni:   
Ansito Walter, Kepina  
Muun Chuuk

Pwinin maram. July 22, 1997